

A leur premier commencement  
 Dy moy ie te pry maintenant  
 Que nüst douce correction  
 De riens mais est nutrition  
 De ieunes enfans discipline  
 Et les conduit et les encline  
 A faire choses vertueuses  
 Et fuyt les contagieuses  
**M**ais peres iadis ont pleure  
 Qui auoient obtemperer  
 Aux enfans dont furent camus  
 Priamus  
 Comme fut le roy priamus  
 Par guerre des grecz incite  
 Troia  
 Qui vit destruite sa cite  
 Pour obtemperer au vouloit  
 Paris  
 De paris qui voulut auoit  
 Helena  
 Comme il eut a tresgrant alaine  
 La noble et belle dame helayne  
 Tarquin<sup>9</sup>  
 Lisez de tarquinus lenfant  
 Filz dung roy rommain triumpfant  
 Par ce que la belle lucrece  
 Diola par grande destresse  
 Valerius  
 Lucrece le cueur se perca  
 D'ung grant couteau dont on chassa  
 Hors de romme en grant vitupere  
 Et grant deul lenfant et le pere  
 Et au moien de ce detroy  
 Onc puis a romme ny eut roy  
 Catellina  
**D**e catellina si diuers  
 Si trescruel et si peruers  
 Nous demourerent nepueuz mains  
 Qui firent des faiz inhumains  
 Comme en son temps il auoit fait  
**L**e filz le pere suit de fait  
 Et si le pere est vicieux  
 Son enfant lest encores mieulx  
 Pour ce ie sy que mieulx ferait  
 Lenfant qui docteur esloit  
 Scauant et remply de prudence  
 Pour cause de la consequence  
 Peleus  
**J**adis peleus roy puissant  
 En ce monde resplendissant

Pour achilles endoctrinet  
 Et de vertuz enluminer  
 Luy bailla phenix si tressaige  
 Qui fut homme de grant paraige  
 Aussi fist le roy philippus  
 Qui fut roy remply de vertus  
 Pour faire bonnes meurs comprendre  
 A son filz le grant alexandre  
 Serchet en maintes pars du monde  
 Quelque homme remply de faconde  
 Saige discret et sapient  
 Et fut trouue finablement  
 Aristoteles le saige homme  
 Qui de platon auoit en somme  
 Les enseignemens tous compris  
 Du quel fut si tresbien appris  
 Alixandre par douly atroy  
 Que de tout le monde fut roy  
**M**ais maintenant qui est grant honte  
 Les peres folz ne tiennent compte  
 De rendre leurs enfans peritz  
 Et leur est aduis que peritz  
 Les deniers ou grans blans seroient  
 Que pour leurs enfans bailleroient  
 A quelque bon maistre et bon pastre  
**E**t pource dung pere folastre  
 Diennent les enfans incensez  
 Qui sont contens. et y pensez  
 En vices tous leurs biens despendre  
 Et riens a science comprendre  
 Et mespisent par leurs erreurs  
 Toutes vertuz a bonnes meurs  
 Cogitez a celle complainte  
 Que fit crates et dure plainte  
 Quant disoit sil mestoit permis  
 Et de parler fuisse commis  
 Je vous nommerois incensez  
 Vous qui tous les iours amassez  
 Argent tresors et grans pecunes  
 Par faulsetez inoportunes  
 Pour voz enfans et successeurs  
 Qui en feront les gaudisseurs

Philipp<sup>9</sup>

Alexander

Aristoteles  
Plato

Prouer. x.

Crates the  
banus